

(Կարդացուած կիրակի օրուան համազգային հանդէսին մէջ)

Հաղար հինգ հարիւր տարի առաջ, այսօր էր, որ նուիրագործուեցաւ հայ քաղաքակրթութիւնը, և ազգերու մէջ Հայ Ազգն ալ քաղաքակրթութեան նահապետներէն մին եղաւ:

Հայ ազգի պայազատութեան, և տիեզերայազթ թագաւորութեան ըսկիզբէն, մինչև Բրիտանոսի չորրորդ դարու վերջերը, մեր հայերէն բնիկ բարբառին համար, Հայկական Գիր, Տառ չ'ունէինք:

Այդ ժամանակները, մանաւանդ վերջին չորս դարերու մէջ, մեր հայ դպրութիւնները կը կտտարուէին Յունականով, Ասորականով, և կրնամ ըսել նաև Պարսկականով, և այս այսպէս կը շարունակուէր Արքունական Գիւաններու ամէն գործերուն մէջ:

Հայկական ձոխ և հարուստ լեզուի ու դպրութեան համար, մեր այս աքկարութիւնը, առիթ տուած էր Յունական և Ասորական այնպիսի հնարատութեան, որ էր Հայ ազգն իրենց մէջ ձուլելու, իրենց հետ միաւորելու մեծ մտադրութիւն մը:

Մէկ կողմէն Յունական, միւս կողմէն Ասորական պետեր ու եկեղեցականներ, ամէն ջանք կը թափէին, երբեմն քաղցրութեամբ ու համոզումներով, երբեմն նոյն իսկ բռնութեամբ, այդ միաւորումի նպատակին հասնելու համար:

Այսպիսի ծանրակշիռ պարագաներու մէջ էր, որ Հայ ազգը ունեցաւ, դրական և քաղաքակրթութեան սահվիրայ երկու հարազատ գաւակներ՝ Ս. Սահակ և Ս. Մեսրոպ:

Ս. Սահակ որդին էր Գր. Լուսաւորչի ցեղէն Մեծն Ներսէս Պարթեւի, ծնած էր 348 Սեպտ. ամսոյ 29ին Նաւասարդի օրը Կեսարիոյ մէջ, սերտեղ իր հայրը Ներսէս և իր մայրը Սանդուխտ ուսմանց կը հետեւէին, ինչպէս ինքն ալ Սահակ, երիտասարդութեան ժամանակ զբաղեցաւ հոն ուսմամբ և կրթութեամբ:

389 թուականին Ս. Էջմիածին կաթողիկոսական աթոռն ելաւ, և յիսուն տարիներ շարունակաբար բազմավիշա և բազմաբլին գործերով մնաց կաթողիկոսական աթոռին վրայ արժանապէս, և վախճանեցաւ 441ին Սեպտ. 29 նոյնպէս Նաւասարդի օրը:

Ս. Մեսրոպ՝ որ կը կոչուի նաև Մաշթոց, Տարոն գաւառի Հացեկայ գիւղէն Վարդան անուն երանելի անձի մը որդին էր, ծնած է 361ին, մանկութեան ատեն աշակերտած է Մեծն Ներսէսի, և երիտասարդութեան ատեն ալ նորին սրբազնաստուբը Հայրապետին նօտարը եղաւ: Ներսէս հայրապետի մահուընէ հաքը, 383 թուականին, իր ուսմանց և դպրութեանց մէջ ունեցաւ հմտութեանց

վրայ խորով թագաւորին կողմէ Արքունական Գիւանապետութեան կողուեցաւ, և եօթը տարիներ ալ շարունակեց այս պաշտօնն, իր կարողութեան և հմտութեան համար պատուաւորուելով և փառաւորուելով արքունական ամէն անձնաւորութեանց կողմէ:

Խորովի վախճանումէն քիչ հաքը Մեսրոպը ձգեց աշխարհական կեանքը, մտաւ եկեղեցականութեան շարքին, որ մամանակ Հայկական թագաւորութեան աթոռը կը բազմէր Վրաստանահայուհը:

Իր եկեղեցականութեան հինգ կամ վեցերորդ տարին էր, երբ քարոզութեան ելու քաղաքէ ի քաղաք, գիւղէ ի գիւղ, սուսնէ յաւան, և սակայն մեծ դժուարութեան կ'ենթարկուէր Ս. Գիրքը Ասորականէ, Յունականէ թարգմանութեամբ հայացնելով ուսուցանելու հայ ժողովուրդին, այս նեղութիւն և դժուարութիւններէ զատ, ամենամեծ մտահոգութեան ենթարկուած կը տաւապէր, ի մօտոյ տեսնելով հայ մանուկներու տառապումն, որոնք հեռաւոր երկիրներու մէջ կը դեգերէին, մանաւանդ մեծ ծախքերով ու թոշակներով ուսման և դպրութեան կը պարապէին Ասորի և Յոյն դպրոցներու մէջ:

Հայկական այս մեծ դժբախտութիւնը շատ մեծ տրամութիւն և հոգ կը պատճառէր իրեն, երանելի Մեսրոպին, որուն վրայ հոգով և սրտով փղձկած, իր անձը նուիրեց հայ նըշանագրերու գիւտի աշխատութեան, աշխատեցաւ, ջանքեր թափեց, մեծ դժուարութիւններու Հանդիպեցաւ, և սակայն առանց ետ կենալու և առանց յուսահատութեան իր աշխատութիւնը շարունակեց, զիմեց նաև Սահակ Պարթեւի և Ս. Կաթողիկոսին, պարզեց իր մտածումներն ու աշխատութիւնները, անոր ալ աջակցութիւնն ու օգնութիւնը խնդրեց:

Սուրբն Սահակ Պարթեւ ուրախութեամբ լսելով Ս. Մեսրոպը, իր ջերմ համամտութիւնը յայտնեց, և երկուքն ի միասին զիմեցին Վաստապուհին, որպէս զի աջակցի իրենց՝ այս մեծ գործին իրականացման:

Ժողովներ գումարուեցան, խորհուրդներ կատարուեցան, աշխատութիւններ եղան, Սահակն և Մեսրոպը թէեւ հասան իրենց նպատակին, և սակայն գտնուած տառերն անբաւական եղան հայ լեզուի հնչումին:

Առանց յուսահատութեան, ամէն տառապանք, ամէն նեղութիւն տառչինչ համարելով, Ս. Մեսրոպ շարունակեց իր աշխատութիւնները, իր այդ մեծ նպատակին հասնելու համար

ճարտարգութեան սկսու Միջագետի,
կղերիոյ, Սառուստի գաւառներուն
մէջ, և իր աշխատութեան արդիւն-
քով որ Աստուածային օգնութեամբ
վերջնականապէս կատարելագործեց
հայ տառերը ի փոստ Հայ ազգին և
անոր քաղաքակրթութեան:

Ահաւասիկ երկու մեծ սահմանա-
ներ, ճշմարիտ հերոսներ, երկու ան-
մահներ Ս. Մեսրոպ որ կը հանգչի
Էջմիածնայ մօտ Աշական գիւղի կիկ-
ղեցւոյն մէջ, Ս. Սահակ որ կը հանգ-
չի Տարօնի Մատնավանքի մօտերը՝
Աշտիշատ անուն մատուռին մէջ, ո-
րոնց պատուական անունները՝ իրենց
գործերով անմոռանալին են և անմոռա-
նալի պիտի մնան մեր Հայ Ազգին
համար. երախտապարտ ենք իրենց և
երախտապարտ պիտի մնանք յաւի-
տեանս, միշտ այսպիսի համագային
տօներով յիշելով յիշատակելով իրենց
անմահ անուններն: Յիշատակն ար-
դարաց օրհնութեամբ եղիցի, եղիցի և
եղիցի, ամէն:

Հայ գրի գիւտին հետ, հայ ար-
պագրութեան և(0) տարուան տօնն ալ
էր կատարենք այսօր: Պատմութենէն
այնպէս գիտէինք թէ՛ հայերէն առա-
ջին տպագրութիւնը եղած է 1565ին,
Եւզովկիացի Ապպար դպրի և իր որդ-
ւոյն Սուլթանշահի ձեռքով, որոնք
առաջին անգամ տպագրեցին Սաղմոս մը
ի Վենետիկ, իրենց անձնականին յա-
տուկ տպարանին մէջ, և որ փոխա-
գրեցին տարի մը վերջ ի Կ. Պոլիս:
Թէեւ կարծիքներ կային թէ հա-
յերէն տպագրութիւնը մեր մէջ մտած
ըլլայ աւելի կանուխ ժամանակներու
մէջ, բայց այս կարծիքը որոշ կերպով
ո և է հաստատութեան յանգած չ'էր,
և սակայն քսան տարի առաջ կատա-
րելապէս հաստատուեցաւ թէ՛ մեր
հայերէն տպագրութեան սկիզբը եղած
է 1513 թուականին, որ առին «Մե-
ղաւոր Յակոբ» անուն անձ մը՝ տպա-
գրած է Վենետիկի մէջ եօթը կտոր
գրեանք. 1. Պարզատումար, 2. Պա-
տարագամատոյց, 3. Ուրբաթագիրք,
4. Տաղարան, 5. Մաշթոց, 6. Ազ-
թարք, 7. Կիպրիանոս:

Այդ թուականին հաստատութեան
աշխատողներ եղան երկու հայ կիկղե-
ցականներ, առաջինը՝ Կիլիկիոյ այժ-
մեա արժանաւոր Կաթողիկոս Տ. Տ.
Սահակ Խապահան, երկրորդը՝ եթէ
հպարտութիւն և եթէ ինքնահաւա-
նութիւն իսկ համարուի, պիտի ըսեմ
թէ ես՝ անարժանս ու տկարս էր:

Սահակ Ս. Կաթողիկոսն 1892ին,
Վենետիկ հրատարակուող Բագմա-
վկպի Մայիս ամսոյ թիւին մէջ գրած
էր իր խուզարկութեան արդիւնքը,
և հայ տպագրութեան թուականը ցու-
ցուցած էր 1523:

Իմ խուզարկութեան արդիւնքը
մանրամասն գրուեցաւ. Վիեննայի
Հանդէս Ամսօրեայի 1894 Դիկտ. ամ-
սաթերթին մէջ, յառաջ բերելով Յա-
կոբի բոլոր տպագրութիւններն, և
որոշելով նաեւ բուն թուականն որ է
1513: Այս թուականն այլեւս որոշ
կերպով հաստատուեցաւ և ընդուն-
ուեցաւ:

Ինչպէս յայտնի է, տպագրական
գիւտը եղաւ 1445 թուականին ի ձեռն
կուղղեմպերկի Գերմանացոյ, այս
հռչակաւոր գիւտէն օգտուեցան բը-
նականաբար նախ Գերմանացիք, և
ինը տարի ետքը 1464ին Իտալացիք,
1470ին Գաղիացիք, 1474ին Անգլիա-
ցիք, Հոլիցերացիք և Սպանիացիք,
1491ին Ալաւոնացիք, 1513ին մենք
հայերս՝ ուրեմն տպագրութեան գիւ-
տէն 58 տարի վերջ. վերջէն կու գան
թուականի կարգաւ, Հիւսիսային Ա-
մերիկացիք, Ռուսք, Տաճիկք, Եգիպ-
տացիք ևն. հետեւաբար Հայ Ազգն ոչ
միայն առաջինն է Ասիական ազգե-
րուն մէջ տպագրութիւնն ընդունող,
այլև աւելի փոյթեանդն ու յառաջա-
գէտ եղած է մի քանի Եւրոպական
ազգերէ:

Այժմ կը մնայ գտնելու թէ ով էր
այս «Մեղաւոր Յակոբ»ը, այս աշխա-
տութեան ալ պիտի հետեւինք, և Աս-
տուծով կը յուսանք թէ պիտի յաջո-
ղինք:

Ուրեմն կը գոչեմ այս երկու աշ-
խատարներուն համար ալ, թէ օրհ-
նեալ ըլլան Յակոբ, Արգար և իր որ-
դին Սուլթանշահ, տանց ծառայու-
թիւններն ու անմոռանալի պիտի մը-
նան Հայ ազգին մէջ:

Կեցցէ Հայ Ազգը և կեցցէ հայ քա-
ղաքակրթութիւնը յաւիտեանս յաւի-
տենից:

1913 Հոկտ. 13 Տ. ԵՊ. ՊԱԼԻԱՆ
ԶԱԽՆՆԻԱ

Մ Ե Ծ Տ Օ Ն Ը

ԽՕՍՈՒԱԾ Պ. ԱԶԱՐՈՆԻ ԿՈՂՄԷ՝
ՄԻՋՔԼԻՊԱՅԻՆ ՏՅՆԱԿԱՆ ՄԵԾ
ՀԱՆԻԷՍԻՆ ՄԷՋ

Ազնիւ հայեր,

Այսօր ամէնքս աօնական մեծ խը-
րախճանութեան մը մէջ՝ եկած ենք
անգամ մը ևս փոռակոչել յիշատակը
Ազգին վերանորգիչներուն որ, դա-
րեր առաջ, իրենց հանճարն ու ստեղ-
ծագործութիւնը ի սպաս զնելով Յե-
զին Վերածնունդին՝ փրկեցին մեր գո-
յութեան մրրկավար նաւը մեր պատ-
ւութեան անձայրածիր ալէկոծութիւն-
ներէն:

Ազգից վիճակը

Հայ ազգը, այդ շրջանին սկիզբ-
ները, կ'ապրէր բուռն և հեքոտ կեան-
քով մը որ զինքը. յիտ երկար ան-
կուսներու և կանգնուսներու, այլեւս,
կըսպտէր, կը հիւժէր ջահի մը պէս
որուն բոցը գեղեցկօրէն վառելէ վերջ՝
կը շիջանի իր ծոցին մէջ. — Մերթ
պարսիկ և, մերթ, յոյն անխնայ յար-
ձակուսները՝ մէկը, զինուած տիրա-
պետելու անսանձ տենչով, միւսը իր
քրիստոնէութեան և կեղծ բարեկա-
մութեան քողերուն տակ ծածկած զմեզ
չքացնելու, մեր ինքնուրոյնութիւնը,
խապա սպաննելու մեղապարտ մո-
լուցքը՝ ազգը հարուածած էին իր ա-